



SAKSPAPIR

Saksnr	Utval	Type	Dato
24/2018	Levekårsutvalet	PS	24.09.2018

Sakshandsamar	Arkiv	ArkivsakID
Solrun Hauglum	FE - 026, FA - G21	18/1184

EVALUERING AV INTERKOMMUNAL LEGEVAKT VOSS OG OMEGN

Vedlegg:

wfdocument

Årsrapport 2017 Interkommunal legevakt sendt (L)(96145)

Rådmannen sitt framlegg til vedtak:

Utval for Levekår tek saka til orientering.

Levekårsutvalet - Sak 24/2018

LEV - Behandling:

Hege Eide Vik ønskjer meir informasjon om legevaktbilen og bruken av denne til neste møte.

Evelyn Boge ønskjer ein oversikt over kor brukarane av legevakta bur i kommunen.

Det vart vedteke at levekårsutvalet inviterer legevaktsjefen til eit møte i utvalet for m.a. å få svar på spørsmåla som kom fram i møtet.

LEV - Tilråding/Vedtak:

Utval for Levekår tek saka til orientering og inviterer legevaktsjefen til neste møte for m.a. å svara på dei spørsmåla som kom fram i møtet.

Saksopplysningar:

Evaluering av interkommunal legevakt Voss og omegn og Årsrapport 2017 interkommunal legevakt vart lagt fram for Kommunestyret 25.06.2018 som del av sak 36/2018 Årsrekneskap og årsmelding Vaksdal kommune 2017. Kommunestyret fatta vedtak om å leggja årsrapporten og evalueringa fram som eiga sak for Levekårsutvalet.

Vertskommunen Voss kalla inn kommunane som inngår i samarbeid om interkommunal legevakt til evalueringsmøte 15.06.2018. Moment framkomne under dette møtet er også tekne med i saka.

Samandrag/konklusjon (kort om saka)

Vaksdal kommune inngjekk vertskommunesamarbeid med Voss kommune om interkommunal legevakt (IKL) frå januar 2017. Etter eit års drift skulle den nye legevaktordninga evaluerast.

Vaksdal kommune har gjennomført evaluering med utgangspunkt i gjeldande lovverk med forskrift og inngått vertskommuneavtale. Vertskommunen Voss har utarbeida årsrapport etter første driftsår samt gjennomført evalueringsmøte med kommunane som inngår i samarbeidet.

Formelt grunnlag

Interkommunal legevakt skal dekke det ansvaret kommunane har etter lov av 24. juni 2011, nr. 30 om helse- og omsorgstenester § 3-2 med tilhøyrande føresegner i forskrift av 20.03.2015 nr. 231, Akuttforskrifta.

Vertskommunesamarbeid med heimel i KommuneLOVA § 28-1 a.

Samarbeidsavtalen er inngått med heimel i KommuneLOVA § 28-1 b.

Vedtak om at Vaksdal skulle inngå i vertskommunesamarbeid med Voss om interkommunal legevakt vart fatta av Kommunestyret 27.06.2016. Evaluering skulle gjennomførast etter eit års drift (sak 61/2016).

Vurdering og konsekvensar

Evaluering og årsrapport viser at Voss IKL er drifta i tråd med lover, forskrift og vertskommuneavtale. Den generelle attendemeldinga frå innbyggjarar, tilsette og legar i Vaksdal kommune er at dei er nøgde med legevakta. Deltaking i Voss IKL gjer Vaksdal kommune langt mindre sårbar i f.t. legedekning og legevaktordning. Misnøye med legevaktordninga frå Vaksdal si side er knytt til økonomi, budsjettprosess og kostnadsauke.

Det er identifisert forbettringsområde, m.a. knytt til budsjettprosess og journalnotat frå legevakt.

Attendemeldingar og evaluering på evalueringsmøte 15.06. var i samsvar med evaluering i Vaksdal kommune og årsrapport. Det kom fram at samarbeidet med Voss sjukehus fungerer godt, og det har ikkje vore alvorlege uønska hendingar eller alvorlege klager frå pasientane. Talet konsultasjonar har gått opp både for sjukepleiar og lege. Legane melder attende at me har fått ei berekraftig interkommunal legevakt av høg kvalitet både for befolkning, kommunar og legar, og at dette er naudsynt for å rekruttera fastlegar framover i regionen. Beredskapen er betydeleg auka, og det er lettare å innfri kompetansekrav i ny akuttmedisinforskrift.

Forbettringsområde meldt til/på møtet var m.a. journalnotat frå legevakt til fastlege, samordning av vaktlistar, praktiske forbettringspunkt knytt til vakt og lokale/utstyr og bruk av kommunale øyeblikkeleg hjelp senger (KAD/ØH-senger).

Vertskommunen opplyste om at dei var i ferd med å gjennomføra medarbeidarundersøking, og at det var planlagt brukarundersøking hausten 2018.